

Visoki predstavnik donio odluke o pravu kandidiranja na izborne funkcije

Visoki predstavnik Wolfgang Petritsch u srijedu je donio tri odluke o izmjenama i dopunama zakonskih akata na entitetskom i državnom nivou, kojima se regulira pravo kandidiranja na izborne funkcije u BiH.

Visoki predstavnik je izmijenio i dopunio Izborni zakon BiH, te dodao sljedeće klauzule:

Nijednoj osobi koju je smijenila Privremena izborna komisija ili Izborna apelaciona potkomisija zbog ličnih opstrukcija provedbe Općeg okvirnog sporazuma za mir ili kršenja *Pravila i propise* Privremene izborne komisije neće biti dozvoljeno da se kandidira na izborima niti da obavlja izbornu ili imenovanu funkciju.

Nijednoj osobi koju je visoki predstavnik smijenio s javne funkcije neće biti dozvoljeno da se kandidira na izborima niti da obavlja izbornu ili imenovanu funkciju.

Nijednom vojnom oficiru ili bivšem vojnom oficiru koji je smijenjen iz službe u skladu sa Poglavljem 14. *Uputa stranama* donesenim od strane COMSFOR-a prema članu VI, stav 5, Aneksa 1A) Općeg okvirnog sporazuma za mir neće biti dozvoljeno da se kandidira na izborima niti da obavlja izbornu ili imenovanu funkciju.

Nijednoj osobi kojoj je komesar IPTF-a oduzeo dozvolu za rad neće biti dozvoljeno da se kandidira na izborima niti da

obavlja izbornu ili imenovanu funkciju.

Izborna komisija BiH će osigurati da prijava za ovjeru bilo koje političke stranke, te bilo koji dokumenti podneseni u skladu sa članom 4.3. Izbornog zakona i internim propisima Izborne komisije, ne sadrži ime osobe koja je smijenjena od strane Privremene izborne komisije ili visokog predstavika zbog navedenih razloga. Ukoliko prijava za ovjeru bude pokazala da je stranka zadržala takvu osobu na nekoj centralnoj funkciji u stranci, ta politička stranka neće imati pravo na ovjeru.

Zakon o postupku upisa pravnih osoba u sudski registar u Federaciji, kao i Zakon o političkim organizacijama u RS, mijenjaju se uz dodatak sljedećeg aneksa.